



Iluatsitsilluar- nermut pissutsit

Nunat Avannarliinit
ilinniartitsinermut
suliniutit
inuiaqatigiinni
unammillernartunik
naapitsisut

Iluatsitsilluarnermut pissutsit arfineq-pingasut

Nunat Avannarliinit ilinniartitsiner
suliniutit inuiaqatigiinni unammillernartunik
naapitsisut

© Nunani Avannarlerni Inersimasunik ilinniartitsinermik suleqatigiiffik

Allakkiaq una eqikkaaneruvoq aqqissugaq ilisimatuutut misissuinermit nalunaarusiamit "Analysis of Nordic Educational Projects designed to meet challenges in society. Defining the success factors", suliarinnittoralugit Jyri Manninen (Östra Finlands Universitet), Hróbjartur Árnason (Íslands Universitet), Anne Liveng (Roskilde universitet i Danmark) aamma Ingegerd Green (freelance konsulent, Sverige) NVL-ip Piginnaaneqarnermut sulianiutaata 2009-2012 killissarititaasa iluani.

Allaaserinnittoq: Ingegerd Green

Ilusilersuisoq: Anders Kretz

Nalunaarusiaq Nordisk Ministerrådet-imit aningaasalersorneqarpoq NVL-ip pilersaarusiornermut aningaasaatai aqutigalugit

ISBN 978-9935-9155-2-8



Nordiskt nätverk för vuxnas lärande



norden

Nordiska ministerrådet

Aallaqqaasiut

2000-kkunni ukiut qulit suilliit ingerlanerini aningaasarsiornermi ingerlanerliornerujussuit marluk pipput, taakku nunani avannarlerni tamani inuiaqatigiit aningaasaqarniarnerat sulisartoqarnerallu assigiinngitsunik eqqorsimavaat. Islandi ingammik eqqugaasimavoq, aalisarnerup iluani sipaarniuteqarnikkut, amerikkarmiut sakkutooqarfiata 2006-imi matuneratigut, minnerunngitsumillu septembari 2008-mi nunarsuaq tamakkerlugu aningaasarsiornikkut ajornartorsiulernerq siumut takorloorneqarsinnaasimannngitsumik kingunerluttitserujussuarpog. Suliffissaaleqisut amerlerujussuarpog peqatigalugu naatsorsueqqissaarnerit takutippaat, sulisinnaasut pingajorarterutaat ilinniarnertuunngorniarfimmu atuarnermik naammassisaqarsimannngitsut.

Tamanna aallaavigalugu, nunallu avannarliit sinnerisa aamma suliaasat taamaangajattut nalaassimagaat ilisimaaralugu, Nunani Avannarlerni Inersimasnik Ilinniartitsinermik Attaveqatigiiffiup (NVL) Island-imi

ataqatigiissaarisua suliniummik aallartitsivoq nunani avannarlerni ilinniartitaanikkut pilersaarusiata iluatsilluarsimasut misissorniarlugit. Suliniutip siunertarisimannngilaa "iliuutsit pitsaarnarpaat" suussuseriarlugit ukkatarilernissaat, kisiannili alloriaqqinnissaq siunertaasimalluni. Nunanit avannarlernit tamaginnit iluatsilluartumik suliniutit 30-it missaanniittut aallaavigalugit, ilisimatuut eqimattat suliakkerneqarsimapput, misissussallugu sunik suliniutit taakku ilisarnaateqarnerisut, assigiinngitsut pissutigalugit toqqammavissatut iluatsissimasut unammillernartunut piareersimanissamut, periarfissanut eqqumaarinniffiginissamut aammalu inuiaqatigiinni suliffeqarfinnilu kinguneqarlartumik allannguinissamut naapitsinissaannik.

Suliaq ilaatigut kinguneqarpoq ilisimatuutut nalunaarusiamik suliniutinik sammineqartunik iluatsitsilluarnermut pissutsit arfineq-pingasuusut sukumiisumik allaaseerineqarnerannik imalimmik. Ilisimatuutut misissuisunut aamma teoriiinut attuumassutilinnut, suliniutinilu

assigiinngitsunit piviusumik assersuutilinnut
attaviliinikkut, iluatsilluarnermut pissutsit
ersersinneqartut unnersuussutinngorput
nukittuut tamanut qanorluunniit suliniutinik
imaluunniit siunertarisanik ilusilersuinermi aamma
pilersaarusiormermit sunniisinnaasunut.


Allakkiami uani iluatsitsilluarnermut pissutsit
arfineq-pingasut eqikkarneqarput naatsumik
aamma nalunaarsuuterpalaartumik. Isumaavoq,
illit atuartutut paasitinneqassasutit, imaluunniit
eqqaasinneqassasutit suna pingaartumik
sunniutaanersoq ilinniartitaanermi suliniutinut
iluatsitsilluarnermut aamma isumassillutit
itisiliillutit ilisimatuutut misissuinermit
nalunaarusiap "Analysis of Nordic educational
projects designed to meet challenges in society.
Defining the Success Factors" (ISBN: 978-
9979-72-141-3) atuarnissaanut, taanna pdf-itut
aaneqarsinnaavoq uani: www.nordvux.net


Atuarluarisi!
Ingibjörg Elsa Guðmundsdóttir

Imarisai

Imatut suleriaaseqarpugut	6
Iluaitsitsilluarnermik pissutsinik ujartuineq	8
Iluaitsitsilluarnermi pissutsit arfineq-pingasut	12
[1] Soqutigisaqatigisanik attaveqarfii	14
[2] Ingerlaaserisamik nalilersuineq	18
[3] Sungiussiassuseq	22
[4] Pisariaqartitanik ukkatarinninneq	26
[5] Ingerlatsiveqarfii pisussaaffii nutaat	30
[6] Sulissutassanik nutaanik ilanngussineq	34
[7] Ataatsimoorneq perorsaanermit anguniakkatut	38
[8] Ilusilersornerit suleriaatsillu nutaat aamma attartuut	42
Iluaitsitsilluarnermik pissutsit immikkut ittut	46
Suliniutit	48
Ilisimatuut suleqatigiissut	49
Nunani Avannarlerni suleqatigiit	50

Imatut suleriaaseqarpugut





* Jyri Manninen, Hróbjartur Árnason, Anne Liveng, Ingegerd Green (2012), Analysis of Nordic educational projects designed to meet challenges in society. Defining the success factors. Published by NVL Nordiskt Nätverk för Vuxnas Lärande. URL: <http://www.nordvux.net/page/812/kompetensutveckling.htm>

Iluatsitsilluarnermik pissutsinik ujartuineq

Suleriaasissap ilusilersorneqarnera
ASuliniummi sulineq ilusilernerqarpoq pingasunik aqutissalerlugu: nunani avannarlerni suleqatigiissitat, naalagaaffinni suleqatigiissitat aamma Ilisima-tuut suleqatigiissitat. Nunani Avannarlerni sule-qatigiissitat naalagaaffinnit avannarlernit tamanit peqataasoqarput, taakku suliniummi tunngavissat aqqissuuppaat akisussaaffigalugillu. Aallaq-qaammut suleqatigiissitat malitassat oqaasertalior-paat, taakku aqutsillutillu ilitserisuiipput naalagaaf-finni suleqatigiissitat ilisimatuullu suleqatigiissitat sulineranni. Suliniutip ingerlanneqarnerani taakku naapillattaasarsimapput, ataavartumik suliaminnik inernerinillu nalilersuillutik isumannaarniarlugu suliniut pilersaarut aalajangiussimasaq malillugu ingerlasoq. NVL-imi ataqatigiissaarisut assi-giinngitsut tamarmik immikkut akisussaaffeqarput nalagaaffiup iluani suleqatigiissitat attaveqarfigisas-sallugit. Taamaasiornikkut ineriartortitsinissami aqutissat ataqatigiissinniarneqarput. Nunani Avannarlerni ataqatigiissaarisut quppernermi 50-mi ilisaritinneqarput.

Naalagaaffinni suleqatigiissitat katiterneqarsi-mapput misillittagaqarluartunik, inuiaqatigiinnilu immikkuullarissunit assigiinngitsunik tunuliaqute-qartunik.

Naalagaaffinni NVL-ataqatigiissaarisunit aqunneqarlutik suleqatigiissitat akisussaaffigaat erseqqissassallugu aalajangiinermi tunngaviit toq-qaanissamut suussusersiinnermi, oqalliserinninnermi aamma iluatsilluartunik nalagaaffinni ilinniarnermi suliniutinik aamma siunertarisanik toqqaaneq. Danskit suleqatigiissitaat suliniutinik isertitsinissaq siunertaralugu unammisitsipput. Sverigimi nunami suleqatigiissitat nassuiaaseppaat iluatsitsilluarnermut piumasagaataasut taakkulu akornanni pingaarner-siullutik suliniutinik toqqaallutik. Norge-mi nuna tamakkerlugu peqataaffigineqartumik isumasioqa-tigiissitsisoqarpoq, suliniutit naleqquttut tassuuna saqqummersinniarlugit. Finland-imi ataqatigiis-saarisut suliniutit arfineq-pingasut suussusersivaat, taavalu Island-imi suliniutit 20-it toqqartorneqa-rput, taakku immikkut ilisimasalinnit marlunnit pingaarnersiorneqarlutik.

Naggataatigut ilinniartitaanikkut suliniutit piukunnartut nalunaarsukkat 33-t toqqarneqarput, katersorneqarlutik, taakkuli tamarmik nunani avannarlerni suleqatigiissitanut ingerlateqqinneqarluti, taakkua ilisimatuut suleqatigiissitat peqatigalugit iliuuseqaatissat toqqartorpaat, nalilersuinerminerni inerniliinissanilu aqqutiginiarneqarsinnaasut, suummitaava suliniutit immikkut iluatsilluartutut nalilernerqarsinnaaneranut peqqutaasut.

Ilisimatuut suleqatigiissitat inuttalernerqarput ilisimatumik nunanit ukunaneersunit: Danmark, Finland, Island taamatullu misiliilluni ilinniartog Sverige-meersoq. Paasissutissarpasuit katersorneqarsimasut toqqammavigalugit, qulequtat misissuiffigineqartussat ilisimasaqassusertik toqqammavalugit ilisimatuut suleqatigiissitat sulillutik aallartipput, tamatumani nunanit avannarlernerisut ilinniartitaanikkut suliniutit siunner-suutitigineqarsimasut 33-usut iluatsitsilluartumik nalilersorneqarsimaneranut pisooqataallutik. Immikkut maluginiarneqarput nunani avannarlerni iluatsitsilluarnermik pissutsinik suussusersisinnaaneq. Sulineq ilaatigut naapittarnikkut, najugaqarfigisami sulinikkut ukiuni tulluittuni marlussunni ingerlanerqarput. Ilisimatuut suleqatigiissut qupperneq 49-mi ilisaritinneqarput.

Nalilersueqatigiinneq siulleeq

Tunngavigisassat pillugit atuaqqaarnerisa kingorna, siunniunneqarpoq paasissutissanik suli amerlanerusunik suliniutit pisortaannit allaniillu, assigiinngitsutigut suliniuteqartarnerni misilittagaqareersunit pissarsiortortoqassasoq. Tamatumuunalu apeqqutit immersugassamut akisassat piareerneqarsimapput, akissuteqarnermi itisilernerqarsinnaassallutik taamatullu suliniutit pillugit nutaanik paasissutissanik ilaternerqarsinnaassallutik..

Nalilersueqatigiinnerit aappaat

Maluginiarneqapallappoq suliniutit toqqartorneqarsimasut assigiinngisitaarlutillu, assigiinngitsunik siunnerfeqartut, annertussutisimikkullu assigiinngisitaarlutik. Nalilersuineq sapinngisamik ajornannginnerulersikkumallugu, suliniutit misissorneqarlutillu tulleriiartiterneqarput, tamatumali kingorna nalilersuinissami toqqammavissat arfiniliusut taputartuunerqarlutik. Tamatumani unammilligassat inuiaqatigiinnilu allanngoriartornerit toqqammavigalugit ilinniartitaanerup nutaamik ilusilersorneqarnissaa tikkuussissutigineqarluni.

Tamakku toqqammavigalugit suliniutit immikkoortiterneqarput, sumut sammiveqarnerat apeqqutaatillugu.

Pineqartut nikerusussuseqanngitsuuppat, ili-uuseqarusuttuuppat nikerusussuseqarlutilluunniit? Ilaatigut suliniutit avammut eqqarsaatigalugit qanoq siunnerfeqarpat. Annertunerusumik taamatukanneq inissisimasunut unammillersinnaanerunissaq anguniarusunneqarpa, nutaanik piginnaaneqalernikkut

imaluunniit suliffissanik nutaanik pilersitsinissaq eqqarsaatigineqarsimanerluni?

Suliniutit assigiinngisitaartut katersorneqarsimasut, maluginiarneqarput tunngaviatigut anguniakanut sanilliullugit piukkunnartuusut. Tamatuma saniatigut suliniutit sumut tunngassuteqarneruner-

	Nikikkusunngitsut	Iliuuseqarusuttut	Iliuuseqarusullutillu nikerusussuseqar-tuuppat
Unammiller-sinnaaneq	Sulilernissamut siunnersorneqarneq Ineriartornissamullu aqutissiorneqarneq	Suliffeqarnerup iluani nutaamik suliffeqalernissamut ilinniartinneqarneq	Sanaartornermi sulisitsisunut ineriartortitsiniartunullu tapersersuisarneq
Piginnaasaqar-fiit nutaat	Suliffigisami ingerlaanarnissaq siunertaralugu ilinniartitaaneq	Nutarsaanermi akuunissaq suleqataaffigisinnaajumallugu ilinniartinneqarneq	Allannguinnissamut siunnersortit Salliullutik allannguerusuttut
Suliffissanik nutaanik pilersitsineq	Suliffeqarnermi pioereersumi piumaneqarnermut akuersineq	Pisariaqartitsinerit takkuttussat unammillersinnaanissaat	Suliffissat nutaat, inuussutissarsiornermi inissisimaffiit

sut nalunarunnaartarput, taamaattumillu iluatsis-sinnaassunik ujartuinnermi oqiliallaataasinnaasutut nalileruminarsinnaasarlutik.

Nalilersueqatigiinnerit pingajuat

Aappassaaneermermi paasisutissanik katersinnermi suliniutillu tulleriissaarneqarnerini, suliniutit 33-niit 21-nut ikilisinneqarsinnaalersimapput, taakku-nanngalu 21-t pineqartut iluanni 14-it iluatsitsil-luarnermik pissutsitut naliliiffigineqarallarlutik. Ilisimatuut suleqatigiissitat nalilersueqqereernerisa sularinneqereernerisalu kingorna tunngaviginiak-kat erseqqissaqqinneqarput naleqqussarneqarlutillu taamaalillunilu, naggataagut arfineq pingasunut ikililerneqarsinnaalerput aammalu suliniutit ersaris-sumik iluatsitsilluarnermik pissutsit nuisalerlutik. Suliniutit tamarmik qupperneq 47-mi qimerluua-tarneqarsinnaapput.

Nunani Avannarlerni ataatimiinneq inerniliussallu pillugit taasisitsineq

Sulinerup naggataani nalunaarusiornissaq tul-linnguuttussanngulermat, suleqatigiissitat ilisima-tuullu suleqatigiullutik Lund-imi ataatsimiisitsipput. Ilinniartitaanikkut isumaginnittoqarfimmit aallarti-tat, ilisimatuut assigiinngitsut aammalu suliffeqarnik-

kut illuatungeriit nunanit avannarlernit tamagin-neersut peqataapput taakkua isornartorsiullutillu, nalunaarusiaagallartumut tigussaassunik siunner-suuteqallattaarput. Tamanna pereermat ilisimatuus-sutsitigut suliamut attuumassuteqartut nalunaarusias-saq inaarsarpaat – massakkut NVL-ip quppersagaani aaneqarsinnaasoq, uani: www.nordvux.net .

Suliniuteqarneq ingerlateqqinneqarpoq

Iluatsitsilluarnermut pissutsit arfineq-pingasusut paasitinnerujumallugit aammalu taakkuninnga sanarfinnissimasunut ilinniartitaanikkullu as-sigiinngitsutigut aningaasalersuisartunut, nunani avannarlerni suleqatigiissitat siunniuppaat, nunani pineqartuni tamani isumasioqatigiissitsinernik ukiup ataatsip ingerlanerani aaqquissuussisarnis-sani. Isumasioqatigiinnerni tamani ilisimatuut arlaat peqataasassapput, taakkunanilu immikkut paasisaminnik ingerlatitseqqittarnermikkut aqqu-tissiuusseqataaffigisinnaassavaat unammilligassat assigiinngitsut sorpiaanersut, taamaasiornermik-kullu sulisinnaasut iluaqusissallugit ingerlariaq-qiffigineqarsinnaasut tikkuussiffigisinnaassallugillu inuiaqatigiit iluanni suliffeqarnikkullu ineriartorfis-sat aqqutissiuuniarnerat suunersut pillugit.

8

Iluatsitsilluarnermut pissutsit

tullia

**Ingerlaaserisamik
nalilersuineq**

siulleq

**Soqutigisaqatigisanik
attaveqarfiit**

pingajuat

Sungiussiassuseq

**Ingerlatsiveqarfiit
pisussaaffii nutaat**

tallimaat

arfernat

**Sulissutassanik
nutaanik
ilanngussineq**

sisamaat

**Pisariaqartitanik
ukkatarinninneq**

arfineq
aappaat

**Ataatsimoorneq
perorsaanermi
anguniakkatut**

arfineq
pingajuat

**Ilusilersornerit
suleriaatsillu nutaat
aamma attartuut**

iluatsitsilluarnermut pissutsit [siulleq]



Soqutigisaqatigisanik attaveqarfiit

Soqutigisaqatigisanik attaveqarfiit
assigiinngitsut ingerlatsisut
soqutiginnittullu ilagalugit
suliniummik pilersaarneq pilersitsinerlu
iluaqutissanik amerlasuunik
pissarsifiusarpoq. Soqutigisaqatigisanik
attaveqarfiit atorluarlugu suliniutit
nutarsarneqarsinnaajuassapput,
aningaasaliissutit
pissarsiariuminarnerrussapput
ataqatigiinnermillu misigisitsissalluni,
tamanna peqataasunut taakkulu
tunuliaqutaanut qiimmassaataallunilu
sulerusussuseqarnermik tunisisinnaavoq.

→ [soqutigisaqatigisanik attaveqarfiit]

Suliniutini iluatsitsilluarsimasuni makku maluginiarsimavagut:

→ Ersarippoq, attaveqarfiit nalinginnaasuunngitsut ilinniarfiit, suleqatigiiffiit akornanni pisortallu akornanni pilersinnetartut iluaqutissanik tunisilluarsinnaasut

→ Ataaveqarfiit tamakku siunertarisanik nutaanngortitsiinnanngillat, kisiannili aamma pilersitsinermi iluatsittunik angusaqarsinnaanissamut pisariqarput

→ Soqutigisaqatigisanik attaveqarfiit aqqutigalugit isumassanik nutaanik ujartuisoqarsinnaavoq, piviusunngortinniarnallu ajornannginnerulersarluni. Aningaasalersuisussanillu ujaarlerneq oqinnerulersittarpaat

→ Nutaanik ilimaginngisanik suleqateqalerneq suliffeqarfiit assigiinngitsut aalajangangersimasumik inissisimasarnerannut ammaas-sisuussarpoq, atortorissaarutillu iluaqutigalugit anguniagassanik inunnillu nutaanik ilinniarusut-titsilersarluni

→ Soqutigisaqatigisanik attaveqarfiit aqqutigalugit aamma tamanna suliniutini peqataanermik misigititsilersarpoq. Tamanna aamma suleqatigiiffiit assigiinngitsut eqeersaatigalugu peqataanerulernerinik aqqutissiuussisinnaasarpoq.

NUNANI AVANNARLERNI NAKOOQQUTIT

→ **Nunani Avannarlerni inuusaaseqarnerni pingaartitat, ilanngullugit ataatsimoorussat aammalu isumaginninnikkut atugarissaarnerit toqqammavigilluarnerisigut, ataqatigiiffiit aqqutigalugit suleqatigiinnissamut periarfissiipput.**

iluatsitsilluarnermut pissutsit [tullia]

Ingerlaaserisamik nalilersuineq



tullia

Ineriartornermik/Ingerlaaserisamik nalilersuineq malittarinneriatsitut aamma suliniutip immikoortuisa periaasaanik ineriartortitseriaatsitut atorneri periarfissanik pilersitsisarpur ingerlaavartumik pitsanngorsaaneramik suliniutip siumut ingerlanerani. Nalilersuinnermik aqutsisoq nalilersueqqissaaruni, inerniliiguni ingerlaaserisallu aaqqis-suussaanerat pillugit aqutsinini nalim-massarunigit, ilikkagassat amerlatsissinnaasarpur, suliniutillu iluaqutaasumik atorluarneqarsinnaanera aqqutissiuunekarluni naleqarnerulersitsisoqassaaq.

→ [ineriartornermik/ingerlaatsimik nalilersuineq]

Suliniutini iluatsitsilluarsimasuni makku maluginiarsimavagut:

→ Suliniutip ingerlanera tamak-
kerlugu, suliniutip nalilersui-
sullu akornanni kinguneqartussa-
mik oqaloqatigiinnerit arlaatigut
aporfiusinnaasunik pinaveersaar-
titsisinnaanermik qaffaasarput,
suliniuteqarnermut tamarmiusumut
naleqarnerulersitsisumik

→ Nalilersuisartog suliniummut
naleqarluartumik siunnersuillu-
nilu tapersiisartuuvoq imaannani
suliap naammassilernerani nak-
kutilliisog

→ Nalilersuinissami periusis-
sat pilersaarusiornermut tapitar-
tuullugit piareersaasiornerisigut
pisariaqartitanut nalilersuine-
rup pitsaassusaa pitsanngortarpoq
taamaattaaq anguniakkat oqaaser-
taliorneri

→ Ingerlaatsimik nalilersueri-
aaseq piareersarluarneqarsimasog
aamma suliarilluagaasog ataavar-
tutut ilusilersugaq, soorunali-
mi nalinginnaasumik nalilersue-
riaatsimiit akisunerugaluarluni,
pilersaarutitut iluaqusiilluar-
sinnaasarpog nalitunerulersitsi-
sinnaassarlunilu

→ Toqqammavigisassat naapertuuttut malinneqarpata, ingammik ingerlaaserisaq pillugu nalilersuisarnerni, tamatuma kinguneris-savaa pitsaasunik angusaqarneq, naak tamatumani ilisimatuunik ilisimatusarfinnillu malinnaatin-neqartunik attaveqaateqarpian-ngikkaluarluni angusassaq pitsaasuussarpoq.



→ Ingerlaaserisamik nalilersuisinnaaneq tassaavoq inerisitaqartitsinissaq siunertaralugu oqaloqateqarsinnaaneq taamatullu tigussaassumik ineriartorteqarsinnaanerani pitsanngorsaasinnaanermillu siunertaqarluni iliuuseqarsinnaaneq. Tassa tamakkuupput piginnaassutsit ineriartortinneqarsimasut inooqatigiillu ileqquliussimasaat toqqammavigalugit ammasumik nukittuummillu ineriartortinneqarsimasut, suleqatigiinnikkut aammalu paaseqatiginninnikkut. Tamakku tamarmik Nunani Avannarlerni ukiorpassuarni suliffeqarnikkut inooqatigiinnikkullu ineriartortinneqarsimapput.

Iluatsitsilluarnermut
pissutsit [pingajuat]



pinga-
juat

Sungiussiassuseq



Inersimasut inuunerisa katitigaaqisup,
pisariaqalersittarpaa aporfissat
amerlaqisut suugaluartut
akimorniarneqartariaqarneri, tamanut
pitsaasumik ilinniagaqarnermik
pisariaqartitsisunit
akimorniarneqartussaallutik.

Sungiussiassuseq, atuuppoq
ilinniariaatsimi aamma ammasuunermi
aammalu tamakkunuunatigut
aqqutissarsiullaqqissinnaassuseqarnermut
aqqutaalluni.

→ [sungiusssiassuseq]

Suliniutini iluatsitsilluarsimasuni makku maluginiarsimavagut:

→ Ilinniartitsinerup ilusilorsorneqarnermigut inummut pisariaqartitsisumut tulluarsagaasimasog, taamaassimappallu qularnaallisinneqarluni pitsaasumik angusaqarsinnaanissaq.

→ Sungiusssiassuseq imarisanik aamma naamassisaqarsinnaassusegarneq aporfissanik ajugaaffiginitsisarput, soorlu inersimasup inuunerata katitigaasup pilersitaanik, taakkuli inersimalereerluni ilinniaqqinnissamut aporfiginaveersaarneqartariaqarlutik. Tamatumani piffissaassuaneq aningaasakilliornerlu imaluunniit

ilaqutariinni pisussaaffeqarnermiissinnaallutik apeqqutaasimasinnaapput, taamatullu piumassusikillisisimanermiissinnaallutik soqutigisaqannginnermiissinnaallutik aqqusaaqqikkumanngisamiissinnaallutillu.

→ Ilinniartitaanikkut aqqissuussinerit tamatigoortut, tamatumani apeqqutaatinagu suna ilinniarneqassanersoq, qanoq sukkatigisumik ingerlassanersoq, sumi naamassiniarneqassanersoq aamma qanoq atorneqassanersoq atartuunik kinguneqalersarput.

→ Inunnut ilinniarnermik ingerlataqarnermik misilittagaqanngitsunut, ilinniagaqarneq oqinnerusumik ingerlanneqarsinnaavoq nalinginnaasumik atuarfimmi ingilluni atuarnermiit avataani. Ilinniartitaanerit, assigiinngitsut eqqarsaatigalugit periarfissat ilusilersorneqarsimappata, taava atuarfisassap avataani inissiisinnaaneq iluaqutaasinnaavoq, soorlu inuit suliffigisaanni pisinnaasunngorlugu tullu-arsaanikkut.

NUNAT AVANNARLIIT NAKOOQQUTAAT

→ **Nunat Avannarliit inersimasunik ilinniartitsinermik misilittagaqarluartuupput, tamatumuuna inuit ataasiakkaat ilinniagaqarnissaminnut pisinnaasaat naapertorlugit ineriartortinneqarsimasunik. Siaruarluarsimaneq aamma qarasaasiatigut ineriartortinneqarsimanerit aamma periarfissiipput assigiinngitsorpassuarnik nunani avannarlerni ilinniarfiit ammaassiffigineqarsimanerinik.**

Iluatstsilluarnermut
pissutsit [sisamaat]



sisamaat

Pisariaqartitanik ukkatarrinnineq

Ilinniartitsinikkut suliniut
aallaqqaataanniit iluatsissappat
pingaaruteqarluinnarpoq immaqalu
pissutaanerpaalluni suliniutip
pisariaqartinneqavissorpiaat
qularnaarpagit. Pisariaqartinneqartut
tamakku inunnit pineqartuniillutilu
inuiaqatigiinnit tamakkiisumik
nassuiaaserneqarluarsimassapput
ilinniartitsinerit ilusilersornissaat
aallartitsinnagu. Tamanna soorunalimisut
isiginiarneqarsinnaagaluartoq,
taamaattoq toraagassaasarpoq aamma
taamaatsiortoqanngitsoortoqartarsimasoq.

→ [pisariaqartitanik ukkatarinninneq]

Suliniutini iluatsitsilluarsimasuni makku maluginiarsimavagut:

→ Pisariaqartitat pillugit
qulaajaaneq, periarfissat arlallit
toqqammavigalugit suliaasimasoq,
pitsaanerusumik tunngaviliisarpoq
anguniagassat assigiinngitsut
tamaginnut iluatsittumik
kinguneqarsinnaanerini.

→ Ilinniartitsinikkut
suliniummot attuumassuteqartut
tamakkerlutik pisariaqartitat
pillugit suleqatigiillutik
pisariaqartitanik
qulaajaasinneqarpata,
taakkuninngalu
itisiliitinneqarsimagunik, taava
iliuusissat ersarinnerulissapput,

piviusorsiortuusutullu
peqataasunit tamanit
nalilerneqarsinnaassallutik.

→ Suliffeqarnerup
iluani pilersaarusiani
iluatsitsilluartuni
suliffeqarfimmi
ilinniartitsinernik
ineriartortitsinerit
suussuserneqartarput
pisariaqartitallu
nalilersorneqarlutik
tamatumani peqataatillugit
pikkorissarniakkat, sulisut
soqutigisaqaqatigiiffii,
sulisitsisut peqatigiiffii,

NUNANI AVANNARLERNI NUKITTOQUTIT

naalakkersuisoqarfiit
pisorta qarfiillu
attuumassuteqartut taamatullu
ilinniagaqartut peqatigiiffii.

→ Pikkorissarniakkat
ilinniagaqartullu peqatigiiffii
ilinniartitsilluni
iliuuseqaatiginiakkat
pillugit assigiiartunik
isumaqarsimappata,
pisariaqartitallu inuit
nammineq piginnaasaminik
ineriartortitsinermut misigisaat
isumagineqarpata taava
ilinniarnermik naammasiinissamut
piumassuseq sakkortoq
pilersinneqassooq.

→ Imaammat Nunani Avannarliit ilinniarti-
taanikkut qaffasissumik inissisimaffeqartut,
tamatumaa aamma nassatarivaa inuit aam-
malumi soqutigisaqatigiiffii ajornanngin-
nerusumik nassaariniarsinnaasarmassuk
sutigut ilinniarnissamut pisariaqartinner-
lugit. Ilisimatuussutsitigut uppersarsine-
qarnikuuvoq, inuk ilinniakkanik arlalinnik
aqqusaagaqarsimaguni, taava aamma
sutigut pikkorissaqqittariaqarnerluni takor-
looruminarnerusilertarmagu.

→ Nunani Avannarlerni ilinniarnissamut
periarfissat qaffakkiartorfiussatut aqqis-
suussaaneq ajorput, kisiannili inuit periar-
fissaqartinnissat aallaavigalugit aqqis-
suussaassarlutik, tamatumani ilinniartitsisut
tamakkuninngalu aqqissuussisut isumagi-
sarlugu inuit piginnaasartik aallaavigalugu
ilinniagaqarsinnaasarnissat.

Iluatsitsilluarnermut pissutsit [tallimaat]

Ingerlatsiveqarfiit pisussaaffi nutaat



Arlaatigut piginnaangorsarfiit
ilinniartitseqqiisarnerni
toqqaannarnerusumik peqataasaleraangata,
kajumissaarneqartarput pisussaaffinnut
nutaanut nikeriaallaqqullugit,
imaluunniit anguniagaqarfigisatik
allanngortinniaqqullugit,
taamaassiornikkut
anguniarneqassammat suliffeqarfimmi
periarfissat assigiinngitsut
nutaanngorsarneqarsinnaanissaat.

→ [ingerlatsiveqarfiit pisussaaffii nutaat]

Suliniutini iluatsitsilluarsimasuni makku maluginiarsimavagut:

→ Ingerlatsiveqarfiit peqataalernermikkut isumagisassaatt allannguallappata imaluunniit pisussaaffii nutaat siornatigumut sanilliullugu pisussaaffeqalersimagunik, tamatuma aamma kingunerorajuttarpaa suleriaaserisimasaminnik nutaamik nalilersuiltertarnerat.

→ Ingerlatsiveqarfiit nutaanik misilittagaqarfigineqarpallaanngitsunillu pisussaaffilernerisigut, inuit ingerlatsivearfiit il.il. kikkuugaluarnersut tassungalugu attuumassuteqartut nutaamik

ulluinnarni suleriaaseqalerlutilu pissuseqalersinnaasarput.

→ Pisussaaffiit nutaat aammalu suleriaatsit nutaat atuutilernerisigut, taava sulisut ingerlatsiveqarfiit avatangiisaallu suliassanut nutaanut unammillersinnaanissaminnut piukkunnarsalertarput ilisimasaqarnerulertarlutillu.

→ Peqataasut taakkunungalugu ilinniartitsisuusut pisussaaffilernerneqaraangamik nutaamik ileqqutoqqa-


• • • • •
tik atuinnarnagit nutaamik
eqqarsaatersuuteqaqqullugit,
tamatuma kingunerisarpaa isuma-
gisassat pitsaanerusumik naamas-
sineqarnissaat siunertaralugu
suleriaaseqalertoqartarnera,
piumassuseqarneruliinnaratik
nukissaqarnerulertarlutik.

NUNANI AVANNARLERNI NAKOOQQUTIT

→ **Nunani Avannarlerni nunat allanut sanilliullugit inukittunnguupput angivallaaratillu aamma tamatigut periarfissaqarneq ajorpoq inuiaqatigiit ingerlaaseqarneranni ingerlatsiveqarfinnik nutaanik pilersitsisoqarnissaa. Akerlianik ingerlatsiveqarfiit assigisaallu pioreersut nutarsarnermikkut inissisimaffigisimasaminnit nikeriaallannissaat pisussaaffeqalernissaallu aqqutissiuuneqartarpoq.**

Iluatsitsilluarnermut pissutsit [arfernat]

Sulissutassanik nutaanik ilanngussineq



arfer-
nat

Iluatsittumik sulissutassanik
ilanngussigaanni nalinginnaasumik
ilinniartitaanermut peqataaneq
ajortunik, pingaaruteqarpoq
inummut ilinniarfimmullu
naamassisaqarsinnaaneranut
qaffassaataalluni aammalu
inuiaqatigiit tamarmiusut
angusaqarnerusinnaaneranut
aqutissiuussinerulluni.

→ [sulissutassanik nutaanik ilanngussineq]

Suliniutini iluatsitsilluarsimasuni makku maluginiarsimavagut:

→ Nunani Avannarlerni ilinniarfiit assigiinngitsorpassuit assigiinngitsutigut suleqatigiis-sinnerisigut, ilinniartitaanikkut periarfissat nutaat taamatullu ilinniartitassat nutaat qaqiler-neqarsinnaasarput.

→ Ilinniartitaanikkut ingerlat-sivinni sulissutassanik nutaanik ilanngussineq kinguneqakkajut-tarpoq anguniagaqarfissat nutaat, periusinik ilinniartitseriaasinillu nutaanik atuilluni isumagi-niarneqarsinnaasunik, tamakkulu iliuuseqaataasinnaasunut nakus-

sassaataaginnaratik pitsaassutsimik qaffaallattitsisarput.

→ Sulissutassanik nutaanik ilanngussinertigut, ilinniarfiit soqutigisaqaqatigiiffiillu iliuu-serisinnaasatik amerlisarsinnaas-sarpaat, suliffissanik nutaanik pilersitsinernik kinguneqartunik aammalu inissisimaffigisat qaffaallatsinneqarsinnaasarlutik.

NUNANI AVANNARLERNI NAKOOQQUTIT

→ Inuit ilinniagaqarnik-kut misilittagaqartinngitsut nassaariniarneqareerlutik pisariaqartitsinerat paase-qatiginnissutigigaani, ilinniarsinnaasaallu taakkununga tulluarsaraani, pineqartut imminnut tatiginerulersarput aammalu suliffeqarnikkut inissisimanerat qaffakaallatsinnetqartarluni.

→ Nunani Avannarlerni assigiinngitsutigut atugarisat tunngavimmikkut assigiiaarnerisa nassatarisaanik, tamanna ilinniartitaanikkut kikkugaluartunut tamanut sammisunik piler-sitsiortornissamut periarfissiisarpoq.

→ Nunani Avannarlerni ilinniartitaanikkut ileq-guliunneqarsimasut kingunerisaanik periarfissat tamatigoortuupput, soorlu ilinniartitaanerup tungaatigut, inuinnarnut højskoleqarneratigut aammalu assersuutigalugu unnukkut ilinniartitsinissamik periarfissiisarnertigut, tamakkulu soqutigisaqartut iluaqutiginiarluartarpaat.

→ Nunani Avannarlerni atugarissaarnikkut ilusilersuisimanerup nassatarivaa, inersimasut namminneq inissisimanerminnik qaffas-sarniarsinnaasarnerat, tamatumali kingorna periarfissaminnik nalimmassaasinnaasarnerat, inersimasunngoreerluni ilinniaqqinneq periarfissanngorsimavoq atornegarluartartoq.

Iluaatsitsilluarnermut pissutsit [rfineq aappaat]

rfineq
aappaat

Ataatsimoorneq perorsaannermi anguniakkatut

Ataatsimoornermik misigisaqarneq
inooqataasutullu misigisimaneq
ilinniarnissamut periarfissaavoq
pitsaasoq. Avatangiisigut
aamma ajunngitsuusut
paasisimasaqarfiginerulertarpagut,
toqqissisimaaffigisinnaasagut
aammalu allanik peqateqarluta
inooqataaaffigisinnaassagut.

→ [ataatsimoorneq perorsaannermi anguniakkatut]

Suliniutini iluatsitsilluarsimasuni makku maluginiarsimavagut:

→ Allanik peqateqarluni misigisimaneq aammalu suleqateqarsinnaalluni misigisimaneq taamatullu ilinniakkat pillugit oqartus-saaqqataasutut misigisimaneq, inummut pineqartumut ilinniarsussuseqarnerunermik pilersitsis-sarpoq.

→ Ilinniagaqartut misigisima-gaangamik ilinniarnerninni assigiinngitsutigut sunniuteqaqataallutik, taava ataatsimoornermik misigisimaneq sulerusussuseqarnerlu anginerulertarput.

→ Suleqatigiit ataqatigiilluarlutik ingerlaaseqarsimasut allanik ilaqaleraangamik ingammik tamanna naatsorsuutigisimanngikkaluarlugu, taava inuit akornanni pisartut pillugit ilisimasassat amerlanerulertarput.

→ Ilinniartitaanikkut periusaasartut tamarmik piffissami killilериikkami ingerlanneqartarput, kisiannili ataqatigiinneq misilittagaqatigiinnerlu tamatuma kingorna sivisunerusumik attanneqarsinnaasarpoq. Tamatuma aamma kingunerisin-

naavaa, ilinniagaqarneq aamma
ilinniartooreernerup kingorna
ingerlaqqissinnaasartoq.

→ Peqataasut allanik peqateqar-
nerminni toqqissisimallutik mi-
sigisaqarsimagunik, piumassusaat
anguniagaqarusussusaallu ataavar-
tumik anginerulertarpoq.



→ **Peqataatitsineq tassaavoq nunani avannarlerni inuiaqatigiit ingerlanneqarneranni isiginneriaaseq aammalu inuiaqatigiit ingerlanneqarneranni pingaaruteqarluinnartuusoq. Ilinniartitsisut aammalu ilinniartitaanikkut ingerlatsiffiit anguniarusuppaat naqisimaneqarani toqqissiluni ilinniartogarsinnaanissaa – tamanna tigussaasumik anguniagaavoq aammali nunani avannarlerni ingerlatsisarnerni qangaanniilli ileqquulersimavoq.**

Iluatsitsilluarnermut pissutsit [arfineq-pingajuat]



arfineq-
pingajuat

**Ilusilersornerit
suleriatsillu nutaat
aamma attartuut**

Suliniutit soqutigisaqatigiiffinnik
peqataasunillu unammillernartut
ineriartortittilersarput
ilusilersornernik suleriaatsinillu
nutaanik aamma attartuunik, taakku
qulakkeerinnissapput pilersaarutininik
inerisitaqarnermik aammalu
isumassarsititsinernik, suliniut
naamassereeraluarpalluunniit
ingerlateqqinneqarsinnaasunik, tamakku
tigussaannerusumik kinguneqartitsisarput
avatangiisinut peqataasimasunullu
nikisitsisuusarlutik.

→ [ilusilersornerit suleriaatsillu nutaat aamma attartuut]

Suliniutini iluatsitsilluarsimasuni makku maluginiarsimavagut:

→ Suliniutit piffinni ingerlanneqarfimminni ataavartumik allanngortitsinissaatut siunni-unneqarsimasut, tamakku ilumut aqputissaanersut pilersaarusiormiilli maluginiarneqareersimasusaapput suliniutip siunertaa inerneralu naammassereernerani aamma tamatuma kingorna iluaqutigineqalernissaat atuusinnaaqqulugit.

→ Suliniut nutaanik suleriaasegalernissamut aqputissiuussegataasut, pikkorissaariaatsinik nutaanik pilersitsiffiusinnaasut

imaluunniit pitsaassunik nutaamikalilersueriaasegalernissamut aqputissiuussisinnaasut, atavartumik alloriartoqarnissaanut aqputissiuussisinnaassapput.

→ Ilusilersornerit, suleriaatsit aamma allannguititsinerit attartuut kinguneqartitsisinnaasut suliniutini sukumiisumik aaqqis-suussaalluarsimasunilu ingerlanneqarsimasunit pigiliunneqarsinnaanerusarput, tassani qanoq pisoqarneratigut qanoq ilior-toqassava, qanorlu taamaasiornerit allannguisitsinermik kingu-

neqartitsinnaassappat, tamakku
tamarmik anguneqarlutillu qanoq
akissuteqarfigineqarsinnaanissaat
nalilersuinerit ersersissinnaasa-
rumaarpaat.

→ Ilusilersornerit suleri-
aatsillu nutaat aqqutigalu-
git pitsanngorsaaitit attartuut
anguniarneqarsinnaapput, naak
amerlanerusunik ataavarnerusumil-
lu aningaasaliisoqarnissaa ujar-
torneqanngikkaluarlunilu angune-
qanngikkaluartoq.

NUNANI AVANNARLERNI NAKOOQQUTIT

→ **Nunani avannarlerni
ingerlatsiffiit assigisaallu
ingerlatsivigineqarajuttarput
maligassiarineqarsimasut
misilittakkallu toqqammavigalugit.
Tamatuma kingunerisaanik
nutarsaaniarnissat
piviusunngortinniarnerat
sukkanerusarpoq, soorlu
suleriaatsit nutaat eqqarsaatigalugit
sunniuteqarluartumik
aallaavigineqalersinnaasarlutik.**

Iluatsitsilluarnermik pissutsit immikkut ittut

Inassuteqaatit amerlanerit, ilusilersuisussanut, piareersaarsiortussanut ingerlatsisussanullu assigiinngitsunut tunniunneqartartut, tassaapput qanoq iliorluni suleriaaserineqartussanik pitsaasunik ataavartunillu sanarfisoqarsinnaanersoq, qanoq tamakku aaqqissuuneqarsinnaappat, aqunneqarsinnaappat angusassat pisariitsumik angusinnaajumaallugit.

Piginnaanngorsaaniissamut 2009-miit 2012-mut suliniut tamakku tamaasa eqqarsaatigalugit ilusilersorneqarsimavoq, qanoq iliuuseqarnikkut iluatsinneqarsinnaanissaa eqqarsaatigalugu. Tamakku tamakkiinerusumik nalinginnaasuunngitsumillu pilersaarutip ilu-

atsissinnaanissaa siunertaralugu inassuteqaateqarfigisinnaajumallugit, ilisimatuutut suliaqartut toqqammavissat immikkuullarissut toqqammavigalugit nalilersuiffigisimavaat, tassami tamakku iluatsittumik ingerlatsisoqarsinnaanissaanut aqqutissaasutut nalilerneqarsimammata.

Inernerivaa iluatsitsilluarnissamut aqqu-taasinnaasut arfineq-pingasuusut qaqilerneqarnerinik. Taakkunannga ilai nutaajupput immikkullu soqutiginaateqartutut taaneqarsinnaallutik.

Suliniutit

Sulinitit assigiinngitsut iluatsittumik angusaqarnissamut aqqutaasinnaasut ajornannginnerusumik angunegarlutillu nalilersorneqarsinnaanissaat angujumallugu immikkoortiternissaanut tulleriiarinninnissanut ilusilersuisimanerit nassarneqassapput immikkoortiterneqassallutillu qanoq annertussuseqartiginerat sumullu sammiveqartinneqarnerat apeqqutaatillugu. Ilisimatuussutsitigut nalilersuinerit pisussat ajornanngitsumik tamakkiisuunerusumillu takusassiarineqarsinnaaqqullugit, matumuuna naatsukullakkuutaarlugit takussutissiissutigineqassapput:

*Naalagaafinni ataasiakkaani
suliniutit angisuut*

Noste

(Finland, Uddannelsesministeriet)

Arbejdslivets oplæringscenter

(Island, Arbejdslivets oplæringscenter)

Yrkes- og studievejledning på arbejdspladsen (på arbejdsmarkedet)

(Island, Arbejdslivets oplæringscenter)

*Nunap ilaani ineriartortitsinermut
pilersaarutit*

New Waves

(Finland, ESEDU)

Første skridt

(Island, Sudurnes, Livslang læringscenter)

Ny sti

(Island, Livslang læringscenter Øst Island)

Stærkere samfund

(Island, Farskolinn, Livslang læringscenter i
Nordvest Island)

*Soqutigisaqatigiinni attaveqarfinni
iliuuseqaatigisat*

Toive

(Finland, Luovi yrkesskole)

Kunstgreb

(Danmark, Dansk Artist Forbund)

Kollegial Vejledning

(Danmark, Region Sjælland)

*Suliffeqarnikkut immikkoortuni
iliuuseqaatigisat*

**Finnish Entrepreneurs'
Apprenticeship Project**

(Finland, Forbundet for finske entreprenører)

CNC Teknik²⁰¹⁰

(Sweden, Skärteknikcentrum Sverige AB)

Design i metal

(Island, IDAN, fag- og træningscenter, tryk og grafik)

Value of Work

(Island, Arbejdslivets oplæringscenter)

Vincent

(Sverige, Folkehøjskolen i Göteborg)

krAft

(Sverige, International handelshøjskole, Jönköping
højskole)

*Najugaqarfinni nutaaliornissanik
iliuuseqaatigisat*

Perlos

(Finland, Joensuu stad)

FLOW


(Danmark, VUC Odense og FORA 1748)

Prisma

(Island, Islands kunstakademi og Bifröst højskole)

Ilisimatuut suleqatigiissut

Jyri Manninen inersimasunik ilinniartitsisarnermut tunngasuni professoriuvoq, Östra Finlands Universitet-imi. Immikkut ilisimatuussutsitigut sammisarineruvai inersimasunik ilinniartinni atugarineqartartut aammalu inuiaqatigiit inuuneq naallugu ilinniarsinnaanissamut aqutissiuussisarnersut.



Þróbjartur Árnason Islandip Universitet-iani lektor-iuvoq (ilinniartitsisuuvoq), tassanilu inersimasunik immikkut ilinniartitseriaatsit piler-saarusiorneqarneranni immikkoo-tortami pisortaalluni. Þróbjartur-ip ilisimatuussutsitigut ilinniartitaanikkut sulinera inersisut ilinniartitaasarnerrannut tunngasuunervog, aammalu inersimasunik ilinniartitsisarnermi qarasaasiap/IT-p atorneqartarnera.



Anne Liveng Danmark-imi Roskilde Universitets Center-imi ilinniartitsisuuvoq, tassani immikkuullarissu-mik peqqissutsumut tunngatillugu inersimasunik ilinniartitsisarnermut tunngatillugu ilisimatuussutsitigut misissuisarnerni sammisaqartuulluni.



Ingegerd Green siunnersortaavog namminersortoq aammalu Sverigemi Skärteknikcentrum-imi soqutigisaqaqatigiinnut siulersuisuni siulittaasuul-luni. Ukiorpassuarni inuusutissarsi-ornermut piginnaanngorsaasarnerni misilittagaqarluartuulluni, aammalu NVL-ip ukiorpassuarni piginnaanngor-saasarnerni peqataasarsimalluni.



Nunani Avannarlerni suleqatigiit

Ingibjörg Elsa Guðmundsdóttir er Fræðslumidstöd atvinnulífsins (Suliffeqarnermi Ilinniartitsineri Qitisoqarfiani), Island, tassani 2003-miilli pisortaalersimavoq, tamannali sioqqullugu inersimasunik pikkorissaasarnerni 1985-miilli suleqataasalersimalluni. Inersimasunik atuartitsisuusarsimavoq, Nunani Avannarliit europamioqatigiillu immikkut suliniuteqartarnerini peqataasarsimavoq, assigiinngitsuni siulersuisunut ilaasortaasarsimalluni, suleqatigiiffinni aammalu attuumassuteqartuni suleqatigiissitani assigiinngitsuni peqataasarsimalluni.



Sigrún Kristín Magnúsdóttir 2004-miilli immikkut ilisimasalitutt Fræðslumidstöd atvinnulífsins-imi atorfeqalersimavoq, tamatumali saniatigut inersimasunik atuartitsisarnerni ukiorpassuarni sammisaqartuusimalluni. Islandi sinnerlugu Nunani Avannarlerni Inersimasunik Ilinniartitsisarnernut tunngatillugu Ataqatigiiffimmi ataqatigiissaarisuusimavoq, aammalu 2009-miit 2012-p tungaanut Piginnaanngorsaasarneq pillugu suleqatigiissitami akisussaasutut inissisimasuusimalluni.



Peter Müller 2004-miilli VUC Nordjylland-imi ineriartortitsinermut pisortaasimavoq (VUC – Inersimasunut inuusuttunullu Piginnaanngorsaavik). Tamanna sioqqullugu VUC Østimmerland-imi pisortaasimavoq Danmarkimilu ilinniartitaanermut pisortaqarfimmi siunnersortaasimalluni. Peter Müller-i 1976-miilli inersimasunik ilinniartitsisarnernut attuumassuteqalernikuusimavoq, ilinniartitsisutut minnerunngitsumillu nuna tamakkerlugu nunanullu allanut ataqatigiissaarisutut ilinniartitaanerup inuusutissarsiornerullu suleqataasarsimalluni.



Ingegerd Green (siuliani qupperneq takuuk).

2000-miilli ukiuni qulini siullerni Europa aningaasarsiornikkut marloriarluni eqqornerlunneqarsimavoq, tamatumuuna inuiaqatigiit aningaasaqarniarnerat suliffissaqartitsiniarnerlu Nunani Avannarlerni tamani aamma sunniuteqarnerlussimalluni. Tamakku pisut tunngavigalugit Nunani Avannarlerni Inersimasunik Ilinniartitsisarnermi Ataqaqatigiissaarivik (NVL) aallartinneqarsimavoq, siullermik paasiniaarlugu nunani avannarlerni ilinniartitaanikkut sutigut assigiissuteqartoqarnerseq, tamatumanilu suliniutit sorliit inuit ataasiakkaat kattuffigisatillu aqputigalugit, inuiaqatigiit ingerlanneqarneranni allannguutit annertuut unammillernerusinnaajumallugit qanoq aqputissiuussisoqartarsimanersaq. Matumani eqikkarlugit saqqummiunneqarput iluatsitsilluarnermik pissutsit suussuserneqarsimasut nunani avannarlerni ilisimatuunit, taakkuli NVL-mit piginnaanngorsaaneq pillugu 2009-mit 2012 tikillugu suliniuteqartitsinermi suliarisinneqarsimallutik. Neriutigaarput allakkiaq arlaatigut piginnaanngorsaarnernik suliniuteqartussanut aningaasalersuisussanulluunniit iluaqusiisinnaajumaartoq.

Ilisimatuussutsitigut suliaq tamakkerlugu atuarniaraani imatut taaguuteqarpoq: Jyri Manninen, Hróbjartur Árnason, Anne Liveng, Ingegerd Green (2012). Analysis of Nordic educational projects designed to meet challenges in society. Defining the success factors. Published by NVL Nordisk Nätverk för Vuxnas Lärande.

URL:<http://www.nordvux.net/page/812/kompetensutveckling.htm>



norden

Nordiska ministerrådet